



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.10. Jerosolyma a Persis capta.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

Sæculum VII
A. C. 614.

§. IX.

Bonifacii IV. obitus. Deusdedit
Papa.

Anast. Mart.
Rom. 25.
Maj.

Bonifacius IV. Papa fati functus est anno 614. & ad S. Petrum sepultus 25. Maji, quo die Ecclesia ejus Memoriam celebrat. Domum suam in Monasterium converterat, & multis Reditibus auxerat. Duabus Ordinationibus mense Dec. Diaconos octo, & aliis temporibus ad diversas Ecclesias Episcopos triginta quinque creavit. Cum Sacram Sedem tenuisset annis sex & octo mensibus, Successorem habuit Deusdedit, qui 13. Nov. eodem anno 614. ordinatus annis ferme tribus sedit. Erat is Natione Romanus Stephani Subdiaconi filius, qui Ordinis Clericalis amantissimus statuta antiqua renovavit.

§. X.

Jerosolyma a Persis capta.

Interea Persæ Orientem depopulabantur. Nam Phoca imperante pacem fregerant, quasi Mauriti & Filiorum ejus necem ulturi. Primo Heraclii imperantis anno captis urbibus Edessa & Apamea usque Antiochiam pervenerunt. Anno secundo Cæsaream in Cappadocia, quarto Damascum suæ potestati subjecerunt, & quinto nempe hoc anno 614. Indi-

Theoph. p.
250. 251. 252

Indictione secunda mense Junio, superato Sæculum VII
 Jordane Palæstinam, ipsamque Jerosoly- A. C. 614.
 mam subegerunt. Multa millia Clerico-
 rum, Monachorum, Sanctimonialium, Chr. Pasch.
 Virginum trucidata. Incensæ Ecclesiæ
 & sanctum Sepulchrum, quæcunque ali-
 cujus pretii erant, & vasa innumera di-
 repta, & inter alias Reliquias veræ Cru-
 cis Lignum abvectum. Zacharias Pa-
 triarcha cum ingenti populi multitudine
 in captivitatem abstractus, & hæc
 omnia paucos intra dies effecta. Judæi
 magnum numerum captivorum redeme-
 runt inhumano sane consilio, ut omnes
 interficerent, & Christianorum sanguine
 satiarentur. Aliqui ad nonaginta millia
 hominum illa Judaica rabie perempto-
 rum memorant. Nicetæ Patricii indu-
 stria, & opera cujusdam amicorum Sar-
 baræ Perfarum Ducis factum, ut duæ
 pretiosæ Reliquiæ Spongia & Lancea sa-
 cræ Passionis servarentur, quæ Constan-
 tinopolim missæ. In illa Civitate S. Spon-
 gia in majore Ecclesia, S. Cruci affixa in
 Festo Exaltationis (*) 14. Sept. eodem
 anno populorum oculis exposita est. Sa-
 cra Lancea die Sabbati 26. Octob. allata;
 quod cum die sequente in majore Eccle-
 sia

(*) Festum exaltationis S. Cruci in Oriente
 diu prius quam in Occidente celebratum. Hæc
 quæstio infra recurret.

Sæculum VII
A. C. 614.
fia populo fuisset denunciatum, diebus Martii & Mercurii a Viris, & diebus Jovis Venerisque a fœminis adorata est.

*Antioch. ep.
ad Eust. to. 1.
Auct. Bibl.
PP. p. 1022.*

Laura
S. Sabæ.

Octiduo ante quam Jerosolyma caperetur, S. Sabæ Lauram Arabes hostiliter invaserunt, sive Persis serviebant, sive hujus belli occasione licentius grassabantur. Plerisque Monachis salutem in fuga quærentibus non plures quam quadraginta quatuor, nimirum Seniores, & qui virtutibus exellebant, remanserunt. Hi a puero Monasticum Institutum amplexi in illis Exercitationibus incanuerant. Eorum aliqui annis quinquaginta vel sexaginta ex Laura pedem non extulerant, aliqui, ex quo Monasterium ingressi fuerant, Civitatem non viderant, itaque imminente licet vitæ periculo Laura exire noluerunt. Barbari Ecclesia spoliata sanctos Senes corripunt, & per dies aliquot crudelissime torquent, ut occultas divitias prodere cogerent; tandem vero elusæ spei succedente furore omnes fœde mutilatos occiderunt. Sancti Viri ferrum recipiebant hilari vultu & gratias agentes, qui utique jam diu ex hac vita exire, & Jesu Christo conjungi cupiebant.

Cæsorum corpora multis diebus jacuerunt insepulta, donec ceteri hujus Lauræ Monachi ex Arabia, quo confugerant, redeuntes ea curare cœperunt.
Illorum

Illorum unum, cui nomen Nicomedes, Sæculum VII
A. C. 614.
 membra paulo ante dilectissimorum Patrum dispersa conspicientem tantus horror invalit, ut linquente animo semimortuum inde auferre necesse fuerit. Modestus Monasterii S. Theodosii Abbas collecta omnia istorum Sanctorum Corpora inter plurimas lacrymas lavit, osculatus est, & in Sepulchra Patrum suorum, preces consuetas recitans, intulit. Ecclesia horum quadraginta quatuor Sanctorum Festum 16. Maji celebrat. Tum Mart. Rom.
16 Maji.
Boll. tom. 14.
p. 616.
 Modestus Abbas omnes Monachos Lauræ S. Sabæ gravi oratione hortatus est, ne ex ea fugerent, sed persecutiones forti animo sustinerent. Ipsius monita secuti in Laura ferme duobus mensibus permanserunt; at increbrescente fama, Barbaros alteram incursionem moliri, in Monasterium Anastasii Abbatis, viginti stadiis seu Leuca una ab Urbe Jerosolyma distitum, tunc temporis habitatoribus vacuum, se receperunt, & ibidem annis ferme duobus commorati sunt. Modestus Abbas Ecclesiam Jerosolymitanam Zacharia Patriarcha absente rexit, & non solum Civitatis, in qua Ecclesias igne consumptas postmodum reparavit, sed etiam Dioecesis & omnium in Deserto Monasteriorum curam suscepit.